



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-513-5/21**
Datum: **24.06.2022. godine**

«Agencija za vodno područje rijeke Save» Sarajevo rješavajući po Službenom zahtjevu «Agencije za vodno područje rijeke Save» Sarajevo podnesenom putem „Sektora za realizaciju investicionih projekata” u postupku izdavanja dopunskog rješenja o prethodnoj vodnoj saglasnosti za aktivnost vađenja materijala iz korita rijeke Bosne, na lokalitetu šljunkara u naselju Mulići, grad Visoko, na osnovu člana 130. stav (1) tačka 2. Zakona o vodama («Službene novine Federacije BiH», broj 70/06) i člana 214. i 262. Zakona o upravnom postupku («Službene novine Federacije BiH», broj 2/98 i 48/99) donosi

DOPUNSKO RJEŠENJE o prethodnoj vodnoj saglasnosti

1. Rješenje o prethodnoj vodnoj saglasnosti broj: UP-1/21-1-40-513-3/21 od 08.11.2021. godine za vađenje materijala iz korita rijeke Bosne na lokalitetu „šljunkara u naselju Mulići”, se mijenja u dijelu obrazloženja rješenja koje se odnosi na procijenjenu količinu materijala koji treba ukloniti, te umjesto količine od 2.500 m³ treba da stoji količina od 800 m³.
2. U ostalom dijelu rješenje ostaje nepromijenjeno.

Obrazloženje

Podnosioc zahtjeva «Agencija za vodno područje rijeke Save» Sarajevo putem „Sektora za realizaciju investicionih projekata” Agencije, je dostavio zahtjev broj: 30-405-8/22 od 16.06.2022. godine za izdavanje dopunskog rješenja za prethodnu vodnu saglasnost, veza: UP-1/21-1-40-513/21 od 08.11.2021. godine.

Uz zahtjev za izdavanje dopunskog rješenja dostavljena sljedeća dokumentacija:

- Kopija Rješenja o prethodnoj vodnoj saglasnosti broj: UP-1/21-1-40-513-3/21 od 08.11.2021. godine,
- Kopija Zapisnika Komisije za uviđaj na licu mjesta u vezi rješavanja problematike vađenja materijala iz vodotoka Bosna na području grada Visoko od 08.06.2022. godine; broj: 30-405-2/22,
- Kopija Odluke o utvrđivanju potrebe za vađenja materijala iz vodotoka Bosne broj: 30-405-4/22 od 13.06.2022. godine.

Podnosioc zahtjeva se dana 16.06.2022. godine obratio ovoj Agenciji sa zahtjevom za izdavanje dopunskog rješenja za prethodnu vodnu saglasnost za vađenje materijala iz korita rijeke Bosne, na lokalitetu naselje Mulići – šljunkara, grad Visoko.

U zahtjevu je navedeno da je došlo do promjena u procijenjenim količinama materijala za vađenje.

Na osnovu Zapisnika Komisije za uviđaj na licu mjesta u vezi rješavanja problematike vađenja materijala iz vodotoka Bosna na području grada Visoko od 08.06.2022. godine je navedeno da na predmetnom lokalitetu treba ukloniti materijal u količini od cca 800 m³.

Navedeni razlozi su ocijenjeni kao opravdani i donesena je Odluka broj: 30-405-4/22 od 13.06.2022. godine kojom je definisana procijenjena količina materijala koji treba ukloniti, na lokalitetu naselje Mulići – šljunkara, grad Visoko.

Iz gore navedenih razloga trebalo je riješiti kao u dispozitivu dopunskog rješenja.


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- AVP Sava – Sektor 30
- AVP Sava, ISV-vodna knjiga
- Sektor 40, arhiva
- ② Sektor 40 – Ured Zenica
- Oglasna ploča – AVP Sava